



‘কোচ চায়, এমন ক্লাবে যাওয়া উচিত হামেসের’

বার্ন মিউনিখে দুই মৌসুম ধারে খেলে রিয়াল মাদ্রিদে ফিরে এখনও সেভাবে নিজেকে মেলে ধরতে পারেননি হামেস রদ্রিগেস। সান্তিয়াগো বের্নাবেউয়ে এই ফরোয়ার্ডের ভবিষ্যত দেখছেন না তার স্বদেশি সাবেক ফুটবলার ফাউন্ড্রিনো আসপ্রিয়া। কলম্বিয়ান এই কিংবদন্তি চান, গ্রহণযোগ্যতা আর খেলার সুযোগ থাকবে এমন ক্লাবে নতুন সুযোগ খুঁজে নিক হামেস।

২০১৪ সালের বিশ্বকাপে দারুণ পারফরম্যান্সে রিয়ালের নজর কাড়েন তিনি। ছয় বছরের চুক্তিতে সান্তিয়াগো বের্নাবেউয়ে আসা এই মিডফিল্ডার একাদশে কখনোই নিজের জায়গা পাকা করতে পারেননি। গত দুই মৌসুম ধারে জার্মানির ক্লাব বার্নারে খেলে এই মৌসুমের শুরুতে ফেরেন জিনেদিন জিভানের দলে।

২০২১ সালে কলম্বিয়ান এই তারকার সঙ্গে চুক্তি শেষ হবে রিয়ালের। গণমাধ্যমের খবর অনুযায়ী, তাকে পেতে আগ্রহী নাপোলি, ম্যানচেস্টার

ইউনাইটেড, ইউভেভুস ও এভারটন। আসপ্রিয়া মনে করেন, নিজের চাহিদা বুঝে পরবর্তী টিকানা নির্বাচন করা উচিত হামেসের।

“হামেসের সেখানে যাওয়া জরুরি যেখানে সে খেলতে পারবে। এমন ক্লাবে যেখানে কোচ তাকে স্পষ্টভাবে চাইছে এবং তাকে তার দলে চাইছে। এমন কোথাও নয় যেখানে সে হবে অবগতাত্তিত সাইনিং, যাকে আনা প্রেসিডেন্টের খেয়ালে। নিজের প্রতিভার জন্য সে যেকোনো জায়গায় খেলতে পারবে।”

৫০ বছর বয়সী আসপ্রিয়া মনে করেন, ইংলিশ ক্লাব ইউনাইটেড হতে পারে হামেসের জন্য সেরা টিকানা।

“তার ট্রফি জিতেছে অনেক দিন হয়ে গেছে এবং পরের মৌসুমের জন্য দল শক্তিশালী করার চিন্তা করছে। তাদের ছয়টি মাতার মত ভালো খেলোয়াড় আছেআমি মনে করি, হামেস খুব সহজেই দলটিতে মানিয়ে নেবে।”

চোটের জন্য বার্সাকে দায় দিলেন মালকম

পাঁচ বছরের চুক্তিতে বার্সেলোনায় যোগ দিলেও ক্লাবটিতে কাটাতে পেরেছেন মোটে এক মৌসুম। বারবার চোটে পড়ায় ছোট ওই পর্বেও অধিকাংশ সময় মালকমের কেটেছিল মাঠের বাইরে।

তুলনামূলক কম অনুশীলন করার কারণেই এত বেশি চোটে পড়তেন বলে মনে করেন ব্রাজিলিয়ান এই ফরোয়ার্ড। ২০১৮ সালের জুলাইয়ে তার বার্সেলোনায় যোগ দেওয়া নিয়ে বেশ জল খোলা হয়েছিল। চার কোটি ইউরো ট্রান্সফার ফিতে মালকমকে দলে টানতে তার তখনকার ক্লাব বোর্ডের সঙ্গে সমঝোতায় পৌঁছেছিল বলে দাবি করেছিল ইতালিয়ান ক্লাব রোমা। তবে চার কোটি ১০ লাখ ইউরো ট্রান্সফার ফিতে তাকে একরকম ছিনিয়ে নেয় বার্সেলোনা।

কাতালান ক্লাবটিতে স্বদেশি রোনালদিনিও-নেইমারের মতো সফল হওয়ার স্বপ্ন দেখেছিলেন মালকম। কিন্তু অল্পতেই শেষ হয়ে যায় তার

বার্সেলোনা ক্যারিয়ার। বর্তমানে তিনি খেলছেন রাশিয়ান ক্লাব জেনিত সেন্ট পিটার্সবুর্গে। করোনভাইরাসের কারণে অন্য লিগগুলোর মত স্থগিত রয়েছে রাশিয়ান প্রিমিয়ার লিগও।

স্পেনের একটি রেডিও স্টেশনকে দেওয়া সাক্ষাৎকারে হামিমুখে নিজের সাবেক ও বর্তমান ক্লাবের অনুশীলনের পার্থক্য তুলে ধরলেন ২৩ বছর বয়সী ব্রাজিলিয়ান ফরোয়ার্ড।

“এখানে (জেনিত) আমরা ভাবল সেশন অনুশীলন করি। বার্সেলোনায় আমরা ৪০ বা ৫০ মিনিট অনুশীলন করতাম। সে কারণেই সম্ভবত আমি চোটে পড়তাম।”

বার্সেলোনা অধিনায়ক লিওনেল মেসির ভূয়সী প্রশংসা করেন মালকম। আর্জেন্টাইন তারকা ফরোয়ার্ডের থেকে অনেক কিছু শিখেছেন বলে জানালেন তিনি।

“লিও ক্লাবের প্রেসিডেন্ট নয়, তিনি অধিনায়ক, তিনি দলকে সাহায্য করেন। তিনি আগে আমাদের (খেলোয়াড়) সঙ্গে,

এরপর প্রেসিডেন্ট ও কোচের সঙ্গে কথা বলতেন।”

আমি সেরা খেলোয়াড়ের পাশে খেলেছি এবং তার থেকে অনেক কিছু শিখেছি।”

তহবিল গড়ছেন টেনিসের ‘বিগ থ্রি’

বিশ্বজুড়ে ছড়িয়ে পড়া করোনভাইরাসের প্রভাবে অন্যান্য খেলার মত বন্ধ রয়েছে টেনিসও। খেলা বন্ধ থাকায় রয়্যালটি টেনিসের সারির খেলোয়াড়দের আয় প্রায় বন্ধ হয়ে গেছে। তাদের আর্থিক সহায়তার জন্য এগিয়ে এসেছেন টেনিসের ‘বিগ থ্রি’ রজার ফেদেরার, নোভাক জোকোভিচ ও রাফায়েল নাদাল।

টেনিসের এই ত্রয়ী একটি তহবিল গঠন করছেন। আরেক টেনিস খেলোয়াড় স্তানিস্লাস ভাভরিনস্কির সঙ্গে শনিবার ইন্সট্রাগ্রামে আলাপচারিতায় বিষয়টি জানান বিশ্বের এক নম্বর খেলোয়াড় জোকোভিচ।

“বিশ্ব রয়্যালটি টেনিস থেকে আড়াইশর মধ্যে এবং ৭০০ বা ১০০০তম তে আছে, তাদের বেশিরভাগই ফেডারেশনের সাহায্য পায় না, তাদের স্পন্সরও নেই। তারা পুরোপুরি নিজের ওপর নির্ভরশীল ও একা। অনেকেই টেনিস ছাড়ার কথা ভাবছে, বিশেষ করে যারা রয়্যালটিয়ে সাতশর পরে আছে।”

সার্বিয়ান তারকা জানান, খেলোয়াড়রা, এটিপি এবং চারটি গ্র্যান্ড স্ল্যাম মিলে এই তহবিল গঠন করা হবে। যেখান থেকে এটিপি সবাইকে আর্থিক সহায়তা দেবে। ৩০ থেকে ৪৫ লাখ ডলার বিতরণ করা যেতে পারে, ধারণা জোকোভিচের।

তাদের এই পরিকল্পনা নিয়ে প্রশ্ন তুলেছেন রয়্যালটিয়ে ৪৩তম স্থানে থাকা জন মিলমান। তার মতে, অতীতে রয়্যালটিয়ের নিচের সারির খেলোয়াড়দের ভালো অর্থ দেওয়া উচিত ছিল।

“রয়্যালটিয়ে ২৫০-৭০০ তে থাকা খেলোয়াড়দের সাহায্য করাই যদি ভাবনা হয়, তাহলে এটা বুঝতে বৈশ্বিক মহামারীর প্রয়োজন হলো কেন?”

বাজিকরদের নিয়ে ক্রিকেটারদের আইসিসির সতর্কবার্তা

করোনভাইরাসের প্রাদুর্ভাবের মাঠের খেলা বন্ধ। তবে নিজদের কাজ চালিয়ে যাচ্ছে বাজিকররা। এদের থেকে ক্রিকেটারদের সাবধান থাকার কথা মনে করিয়ে দিয়েছেন আইসিসির দুর্নীতিবিরোধী ইউনিটের প্রধান অ্যালেক্স মার্শাল।

কোভিড-১৯ রোগ পৃথিবীর প্রায় সব জায়গায় ক্রীড়াঙ্গন অচল করে রেখেছে। কোথাও খেলা নেই, ঘরে অলস সময় কাটাচ্ছেন ক্রিকেটাররা। ঘরবন্দি থাকতে থাকতে বিরক্তি ধরে যেতে পারে। আইসিসির শব্দা এই সুযোগ নিতে পারে বাজিকররা।

ইংল্যান্ডের দা গার্ডিয়ানকে মার্শাল জানান, ক্রিকেটারদের সঙ্গে সুসম্পর্ক গড়ে ভবিষ্যতের পথ সহজ করার চেষ্টা করছে বাজিকররা।

“কোভিড-১৯ রোগ বিশ্ব জুড়ে আন্তর্জাতিক ও ঘরোয়া ক্রিকেট সাময়িকভাবে বন্ধ করে দিতে পারে, কিন্তু বাজিকররা এখনও সক্রিয় আছে।”

“যে কারণে, ক্রিকেটার, ক্রিকেটারদের সংগঠন ও এজেন্টদের সঙ্গে আমাদের কাজ চলমান। আমরা দেখছি, যখন ক্রিকেটাররা সামাজিক যোগাযোগ মাধ্যমে অন্যান্য সময়ের চেয়ে বেশি থাকছে, তাদের সঙ্গে যুক্ত হতে এবং সম্পর্ক গড়ে তুলতে চেনা বাজিকররা এই সময়টা ব্যবহার করছে। যেন তারা পরবর্তীতে এটা কাজে লাগাতে পারে।”

মার্শাল জানিয়েছেন, থেমে নেই তাদের কার্যক্রমও। কঠিন এই সময়ে ক্রিকেটারদের সতর্ক করে যাচ্ছে আইসিসির দুর্নীতিবিরোধী শাখা।

“এই সমস্যটি তুলে ধরার জন্য আমরা আমাদের সদস্য, ক্রিকেটার ও তাদের বৃহত্তর নেটওয়ার্কগুলির কাছে পৌঁছেছি এবং নিশ্চিত করতে চেয়েছি তারা সবাই এই ভয়ঙ্কর কাজ সম্পর্কে সচেতন অবস্থায় আছে এবং এখন যেহেতু কোনো ক্রিকেট খেলা হচ্ছে না তারা নিজদের সতর্ক রাখছে।”

১০৪ দিন পর ঘরে ফিরল উহানের ফুটবল দল

বিশ্বজুড়ে ছড়িয়ে পড়া করোনভাইরাসের উৎপত্তি যে শহরে, সেই উহানের ফুটবল দল উহান জল ১০৪ দিন পর ঘরে ফিরেছে। চাইনিজ সুপার লিগের দলটি শনিবার নিজদের শহরে ফিরলে কোচ- খেলোয়াড়দের ঘিরে তৈরি হয় আবেগঘন মুহূর্ত।

গত জানুয়ারিতে উহানে যখন করোনভাইরাস ছড়িয়ে পড়তে শুরু করে, তখন অনুশীলন ক্যাম্পের জন্য স্পেনে ছিল দলটি। এরপর প্রাণঘাতী রোগটি বিশ্বব্যাপী ছড়িয়ে পড়লে দেশগুলোর মধ্যে যোগাযোগ ব্যবস্থা বন্ধ হতে থাকে।

ফলে দলটি দেশে ফেরার লক্ষ্যে রওনা দিলেও পড়তে হয় অনেক সমস্যা। এরপর জার্মানিতে দীর্ঘ ট্রানজিট জটিলতা কাটিয়ে ১৬ মার্চ চীনের শেনজেন শহরে পৌঁছায় তারা। সেখানে তিন সপ্তাহ কোয়ারেন্টিনে ছিলেন দলের সবাই।

অবশেষে ট্রেনে করে শনিবার সন্ধ্যায় তারা উহানে ফেরে। গান গেয়ে, ফুল দিয়ে তাদের স্বাগত জানায় কমলা রঙের পোশাক পরে আসা সমর্থকরা।

অনুশীলন শুরু করার আগে খেলোয়াড়রা আপাতত তাদের পরিবারের সঙ্গে থাকবেন। চাইনিজ সুপার লিগের নতুন মৌসুম ২২ ফেব্রুয়ারি শুরুর কথা থাকলেও করোনভাইরাসের কারণে তা স্থগিত করা হয়েছে।

‘রোনালদো নির্মম, মারার আগে অত্যাচার করে মেসি’

একজনের সঙ্গে খেলেছেন আরেকজনের বিপক্ষে। সময়ের সেরা দুই ফুটবলার সম্পর্কে ভালো ধারণা আছে ওয়েইন রুনির। দুই জনকে কাছ থেকে দেখে দেখার অভিজ্ঞতা থেকে ক্রিস্তিয়ানো রোনালদোর চেয়ে লিওনেল মেসিকে এগিয়ে রাখলেন এই ইংলিশ স্ট্রাইকার।

ইউনাইটেডে এক সঙ্গে খেলেছেন রোনালদো ও রুনি। ২০০৮ সালে চেলসিকে হারিয়ে জেতেন চ্যাম্পিয়ন্স লিগ শিরোপা। পরের বছর রিয়াল মাদ্রিদে পাড়ি জমান রোনালদো।

সানডে টাইমসের কলামে বার্সেলোনা ফরোয়ার্ডকেই এগিয়ে রাখলেন রুনি। “বলে রোনালদো নির্মম, একজন খুনী। আর মেসি মারার আগে অত্যাচার করে। গোলের সংখ্যার দিক থেকে এই দুই জন খেলাটাকে পুরোপুরি পাল্টে দিয়েছে। আমি মনে করি না, ওদের মতো আর কেউ আসবে।”

ক্রিস্তিয়ানোর সঙ্গে আমার বন্ধু হওয়ার পরও আমি মেসিকে বেছে নেব।

টি-টোয়েন্টির দাপটে উদ্বিগ্ন নিউ জিল্যান্ডের কিংবদন্তি

ক্রিকেটে টি-টোয়েন্টির প্রভাব দেখে বিরক্ত গ্লেন টার্নার। নিউ জিল্যান্ডের কিংবদন্তি ব্যাটসম্যানের মতে, টি-টোয়েন্টির দাপটে ক্রিকেট আজ সঙ্কটময় অবস্থায় পড়ে গেছে।

লিন ম্যাককনলের সঙ্গে যৌথভাবে লেখা নতুন বই ‘ক্রিকেটস গ্লোবাল ওয়ার্ল্ড’- এ ৭২ বছর বয়সী টার্নার তার শঙ্কার কথা জানান।

“আমাকে সবচেয়ে বেশি যেটা উদ্বিগ্ন করে, ওরা পূর্জিবাদের পথ বেছে নিয়েছে। যেখানে অর্থ সব নিয়ন্ত্রণ করে এবং টি-টোয়েন্টি ক্রিকেট এই পর্যায়ের কর্তৃত্ব করছে। আমি খেলাটার যে স্বংস্করণকে অর্থবহ মনে করি, তা কার্যত নেপথ্যে চলে গেছে।”

টার্নারের মতে, ক্রিকেট ভারসাম্যপূর্ণ অবস্থায় নেই। করোনভাইরাসের জন্য খেলাটা এখন বন্ধ রয়েছে। ক্রিকেটের ভবিষ্যৎ ঠিক করতে ক্ষমতাবহদের জন্য এটি ভালো সময় বলে মনে করছেন নিউ জিল্যান্ডের সাবেক অধিনায়ক।

“উপরের সারিতে আরও বেশি অর্থ যাচ্ছে। এটা অনেকটা সমাজের মতো যেখানে, ধনী ও গরীবের মধ্যে ব্যবধান বাড়ছে। আশা করি, এই মহামারীর পর ব্যাপ্যারগুলো পুনর্মূল্যায়ন করা হবে।”

‘বার্সেলোনাই শিরোপার দাবিদার’

করোনভাইরাসের কারণে লা লিগার মৌসুম শেষ করা না গেলে পয়েন্ট তালিকার শীর্ষে থাকা বার্সেলোনাকে চ্যাম্পিয়ন ঘোষণা করা উচিত বলে মনে করেন ইভান রাকিতিচ।

গত মাসে স্থগিত হয়ে যাওয়া স্পেনের শীর্ষ লিগে ২৭ রাউন্ড শেষে ৫৮ পয়েন্ট নিয়ে শীর্ষে আছে বার্সেলোনা। দ্বিতীয় স্থানে থাকা রিয়াল মাদ্রিদের চেয়ে এগিয়ে আছে ২ পয়েন্টে। মৌসুমের শুরু থেকে তারা যা খেলেছে এবং লিগ টেবিলের শীর্ষে থাকতে যে কষ্ট করেছে, তার মূল্যায়ন করা উচিত বলে মনে করেন রাকিতিচ।

মুন্ডিস্টার প্রাসকে দেওয়া সাক্ষাৎকারে এই দাবি করেন ক্রোয়াট তারকা।

“আমরা সবাই আবারও খেলতে চাই এবং খেলেই শিরোপা জিততে চাই। তবে আমি এটাও বুঝি, যদি আমরা মাঠে ফিরতে না পারি, তারপরও মৌসুম শেষ করতে হবে। তাই যদি আমরা শীর্ষে থাকি, তাহলে আমাদেরই চ্যাম্পিয়ন করা উচিত।”

সৃষ্টির প্রেরণায় নতুন প্রতিশ্রুতি

উন্নত মুদ্রণ

সাদা, কালো, রঙিন
নতুন ধারায়

রেণুবো প্রিন্টিং ওয়ার্কস

জাগরণ ভবন, (লক্ষ্মীনারায়ণ মন্দির সংলগ্ন), এন এল বাড়ি লেইন
প্রভুবাড়ী, বনমালীপুর, আগরতলা, ত্রিপুরা পশ্চিম - ৭৯৯০০১
ফোন - ০৩৮১-২৩৮ ৪৯৮৪
ই-মেল : rainbowprintingworks@gmail.com

